



ИРГЭНИЙ НИСЭХИЙН ЕРӨНХИЙ ГАЗАР
ИРГЭНИЙ НИСЭХИЙН ҮНДЭСНИЙ ТӨВИЙН
ДАРГЫН ТУШААЛ

2021 оны 03 сарын 09 өдөр

Дугаар A/44

Улаанбаатар хот

Хөдөлмөрийн аюулгүй байдал, эрүүл
ахуйн орон тооны бус зөвлөлийн
бүрэлдэхүүн, ажиллах журмыг
батлах тухай

Төрийн болон орон нутгийн өмчийн тухай хуулийн 20 дугаар зүйлийн 1 дэх хэсгийн 10 дахь заалт, Хөдөлмөрийн аюулгүй байдал, эрүүл ахуйн тухай хуулийн 27 дугаар зүйлийн 27.2 дахь хэсэг, Хөдөлмөрийн тухай хуулийн 50 дугаар зүйлийн 50.2 дахь хэсэг, Хөдөлмөрийн сайдын 2015 оны “Хөдөлмөрийн аюулгүй байдал, эрүүл ахуйн зөвлөл байгуулах, орон тооны ажилтан ажиллуулах норматив батлах тухай” А/114 дүгээр тушаал, энэ тушаалын хавсралтаар баталсан Аж ахуйн нэгж, байгууллагын Хөдөлмөрийн аюулгүй байдал, эрүүл ахуйн зөвлөлийн ажиллах үлгэрчилсэн журам, Иргэний нисэхийн үндэсний төвийн дүрмийн 4.3.2, Хөдөлмөрийн аюулгүй байдал, эрүүл ахуйн нийтлэг дүрмийн 2.4 дэх заалтыг тус тус үндэслэн ТУШААХ нь:

1. Иргэний нисэхийн үндэсний төвийн Хөдөлмөрийн аюулгүй байдал, эрүүл ахуйн орон тооны бус зөвлөлийн бүрэлдэхүүнийг нэгдүгээр хавсралтаар, Хөдөлмөрийн аюулгүй байдал, эрүүл ахуйн орон тооны бус зөвлөлийн ажиллах журмыг хоёрдугаар хавсралтаар тус тус баталсугай.
2. Хөдөлмөрийн аюулгүй байдал, эрүүл ахуйн тухай хууль тогтоомжид заасан чиг үүргийг хэрэгжүүлж, зөвлөлийн ажиллах журмыг мөрдөж ажиллахыг Зөвлөлд үүрэг болгосугай.

ДАРГА

П.МӨНХЖАРГАЛ



Иргэний нисэхийн үндэсний төвийн даргын
2021 оны 08 дугаар сарын 09.-ний өдрийн
A/44 дугаар тушаалын нэгдүгээр хавсралт

9020051071 : 6577539

Хөдөлмөрийн аюулгүй байдал, эрүүл ахуйн
орон тооны бус зөвлөлийн бүрэлдэхүүн

Зөвлөлийн дарга: Дэд дарга /Нисэх буудлуудын үйлчилгээ
хариуцсан/

Гишүүд: Захиргаа, хүний нөөцийн газрын дарга

Санхүү, эдийн засаг төлөвлөлтийн газрын дарга

Хөдөлмөрийн аюулгүй байдал, эрүүл ахуйн
хэлтсийн дарга

Газрын тусгай үйлчилгээ, шатахуун хангалтын
албаны дарга


“Буянт-Ухаа” олон улсын нисэх буудлын захиргаа
санхүү хариуцсан дэд захирал

Агаарын навигацийн үйлчилгээний газрын дэд
дарга

Хууль, эрх зүй, хамтын ажиллагааны газрын
Хуулийн хэлтсийн дарга

Нарийн бичгийн дарга: Хөдөлмөрийн аюулгүй байдал, эрүүл ахуйн
хэлтсийн хөдөлмөрийн аюулгүй байдал, эрүүл ахуй
хариуцсан мэргэжилтэн /төлөвлөлт гүйцэтгэл
хариуцсан/

xxxxXxxx



Иргэний нисэхийн үндэсний төвийн даргын
2021 оны 03 дугаар сарын 09-ний өдрийн
Хөдөлмөрийн аюулгүй байдал, эрүүл ахуйн орон тооны бус зөвлөлийн ажиллах журам

9020051071 5577539

Хөдөлмөрийн аюулгүй байдал, эрүүл ахуйн орон тооны бус зөвлөлийн ажиллах журам

Нэг. Ерөнхий зүйл

Хөдөлмөрийн аюулгүй байдал, эрүүл ахуйн тухай хуулийн 27 дугаар зүйлийн 27.3 дахь хэсэг, Хөдөлмөрийн сайдын 2015 оны А/114 дүгээр тушаалаар батлагдсан “Аж ахуй нэгж байгууллагын Хөдөлмөрийн аюулгүй байдал, эрүүл ахуйн зөвлөлийн ажиллах үлгэрчилсэн журам”-ыг тус тус үндэслэсэн болно.

1.1. Иргэний нисэхийн үндэсний төв /цаашид ИНҮТ гэх/-ийн Хөдөлмөрийн аюулгүй байдал, эрүүл ахуйн орон тооны бус зөвлөлийн зорилго нь /цаашид “Зөвлөл” гэх/ байгууллагын түвшинд ажлын байрны хөдөлмөрийн нөхцөлийг сайжруулах, эрүүл, аюулгүй ажлын байр бий болгох, үйлдвэрлэлийн осол, хурц хордлого, мэргэжлээс шалтгаалсан өвчинөөс урьдчилан сэргийлэх, хууль тогтоомжийн хэрэгжилтийг хангуулах үйл ажиллагааг уялдуулан зохицуулах, дэмжлэг үзүүлэхэд чиглэгдэнэ.

1.2. Зөвлөл нь Зам, тээврийн салбарын хөдөлмөрийн аюулгүй байдал, эрүүл ахуйн салбар хороо, салбарын Үйлдвэрчний эвлэлийн байгууллагуудтай хамтран ажиллана.

1.3. Зөвлөл нь үйл ажиллагааныхаа талаар Иргэний нисэхийн үндэсний төвийн даргад жил бүрийн 11 дүгээр сарын 25-ны өдрийн дотор ажлаа тайлагнана.

1.4. Зөвлөл нь үйл ажиллагааны жилийн тайлан, мэдээг Зам, тээврийн салбарын хөдөлмөрийн аюулгүй байдал, эрүүл ахуйн салбар хороонд жил бүрийн 12 дугаар сарын 01-ний өдрийн дотор багтаан хүргүүлж, цахим хуудсаар хамт олонд мэдээлнэ.

Хоёр. Зөвлөлийн бүрэлдэхүүн, зохицуулалт

2.1. ИНҮТ-ийн хэмжээнд Хөдөлмөрийн аюулгүй байдал, эрүүл ахуйн орон тооны бус зөвлөл ажиллах бөгөөд харьяа алба салбар нь хөдөлмөрийн аюулгүй байдал, эрүүл ахуйн дэд зөвлөлтэй байна.

2.2. Орон нутгийн нисэх буудлуудад дэд зөвлөлийн үйл ажиллагааг нисэх буудлын даргаар ахлуулсан Аюулгүй ажиллагаа, дотоод хяналтын баг хэрэгжүүлнэ.

2.3. Дэд зөвлөлийн бүрэлдэхүүн, ажиллах журмыг ИНҮТ-ийн даргын тушаалаар тус тус батална.

2.4. ИНҮТ-ийн Хөдөлмөрийн аюулгүй байдал, эрүүл ахуйн орон тооны бус зөвлөлийг нисэх буудлуудын үйлчилгээ хариуцсан дэд дарга ахална.

2.5. Зөвлөлийн бүрэлдэхүүн нь 9 хүртэл, харьяа алба салбарын дэд зөвлөлийн бүрэлдэхүүн нь 3-аас доошгүй сондгой тооны бүрэлдэхүүнтэй байна.

2.6. Зөвлөлийн бүрэлдэхүүнд Хөдөлмөрийн тухай хуулийн 50 дугаар зүйлд заасны дагуу үндсэн цалингийн 20 хүртэл хувийн нэмэгдэл хөлс сар бүр олгоно.

2.

Гурав. Зөвлөлийн ажлын чиглэл

Зөвлөл нь дараах арга хэмжээг авч ажиллана. Үүнд:

3.1. Хөдөлмөрийн аюулгүй байдал, эрүүл ахуйн хууль тогтоомж, стандартын хэрэгжилтийг ИНҮТ болон харьяа алба салбарын түвшинд зохион байгуулахад манлайлан оролцох.

3.2. ИНҮТ-ийн харьяа алба, салбарын хөдөлмөрийн аюулгүй байдал, эрүүл ахуйн хөтөлбөр, төлөвлөгөө, төсөвт тусгах асуудлыг боловсруулах, шаардлагатай дүрэм журмыг баталж, мөрдүүлэхэд санал өгөх, хамтран ажиллах;

3.3. Хөдөлмөрийн аюулгүй байдал, эрүүл ахуйн болон үйлдвэрийн осол, хурц хордлого, мэргэжлээс шалтгаалсан өвчний шалтгаан нөхцөлийн талаар хэлэлцэх, санал, зөвлөмж гаргах;

3.4. Хөдөлмөрийн аюулгүй байдал, эрүүл ахуйн асуудлаар зөвлөгөөн, сургалт, семинар, сарын аян зохион байгуулах ажлыг ажил олгогчтой хамтран хийх;

3.5. Ажлын байрны эрсдэлийн үнэлгээ хийж, осолд дөхсөн тохиолдлыг илрүүлэхэд оролцох, бүртгэл судалгаатай танилцах, ажил олгогчоос шаардлагатай мэдээлэл гаргуулж авах;

3.6. Ажлын байрны хөдөлмөрийн нөхцөлд үзлэг шалгалт хийх, дүнг ажил олгогч, ажилтнуудад мэдээлэх;

3.7. Ажлын тусгай хувцас, хамгаалах хэрэгслийн хангарт, хэрэглээ ажлын байрны орчин нөхцөл, ажилтан хөдөлмөрийн аюулгүй байдал, эрүүл ахуйн сургалт, эрүүл мэндийн үзлэгт хамрагдсан байдалд хяналт тавьж, үр дүнг мэдээлэх;

3.8. ИНҮТ-ийн болон харьяа алба, салбарын хөдөлмөрийн аюулгүй байдал, эрүүл ахуйн дэд зөвлөл, ХАБЭА-н асуудал хариуцсан ажилтан, Үйлдвэрлэлийн осол, хурц хордлогыг судлан бүртгэх орон тооны бус комиссын гишүүдийг чадавхжуулах арга хэмжээг ажил олгогчтой хамтран зохион байгуулах;

3.9. Аж ахуйн нэгж, байгууллагад хөдөлмөрийн аюулгүй байдал, эрүүл ахуйн хууль тогтоомжийг хэрэгжүүлж байгаа талаар ажил олгогчийн тайлан мэдээллийг зөвлөлийн хурлаар хэлэлцэх, зөвлөмж, шийдвэр гаргах;

3.10. Зам, тээврийн салбарын Хөдөлмөрийн аюулгүй байдал, эрүүл ахуйн салбар хорооны төлөвлөгөөний хэрэгжилтийг хангуулах, тайлагнах;

Дөрөв. Зөвлөлийн хурал

4.1. Зөвлөл нь ИНҮТ-ийн хэмжээнд хөдөлмөрийн аюулгүй байдал, эрүүл ахуйн асуудлаар хэлэлцүүлэг хийх, зөвлөлдөх, зөвлөмж, санал гаргах, хууль тогтоомжийн хэрэгжилтийг зохион байгуулахад оролцох чиглэлээр ажил олгогч, ажилтны төлөөлөлтэй хамтран ажиллах хэлбэрээр үйл ажиллагаа явуулна.

4.2. Зөвлөлийн үйл ажиллагааны үндсэн хэлбэр нь хурал байна.

4.3. Зөвлөлийн хурлыг нийт гишүүдийн 50-иас дээш хувийн ирцтэй хийнэ.

4.4. Зөвлөлийн хурлыг зөвлөлийн дарга зарлан хуралдуулна.

4.5. Зөвлөл нь сард 1-ээс доошгүй удаа хуралдах ба ИНҮТ-ийн үйлдвэрлэлийн шуурхай хуралдааны дэгийг баримтална. Орон нутгийн нисэх буудал болон алслагдсан салбар, нэгжийн хүрээнд улиралд нэгзээс доошгүй удаа цахим хэлбэрээр хурал зохион байгуулна.

3.

4.6. Зөвлөлийн хуралд хэлэлцэх асуудалтай холбогдуулан тухайн байгууллагын холбогдох албан тушаалтан, ажилтныг оролцуулж болно.

4.7. Зөвлөлийн хурлыг зөвлөлийн дарга даргалах бөгөөд түүний эзгүйд даргын тохоон томилсон аль нэгэн гишүүн хурлыг даргалж болно.

4.8. Зөвлөлийн хурлаас шаардлага, зөвлөмж, шийдвэр гаргана. Хэлэлцэх асуудлыг олонхийн саналаар шийдвэрлэж архивын баримт бүрдүүлж, тэмдэглэл хөтөлнө.

4.9. Хуралд бэлтгэх, хурлаас гарсан зөвлөмж, шийдвэрийн хэрэгжилтийг хангуулах, гишүүдийн оролцоог хангах, тэдний ажлын гүйцэтгэлийг харгалзан нэмэгдэл хөлс олгох асуудлыг зөвлөлийн даргад танилцуулах, баримт бичгийн бүрдүүлэлт хийж, хадгалах үүргийг зөвлөлийн нарийн бичгийн дарга хариуцна.

xxxXXXX

